

Արշակայ. սոյնպես եւ սա զիւր զաւրքն կազմեր ի ձեռն Վասակայ իւրոյ սպարապետին: 4 Եւ զամենայն նախարարսն Յայոց ընդ նմա գումարեալ, զայր հասաներ ընդ առաջ զաւրացն Պարսից. հարկաներ կոտորեր զամենեսեան առ հասարակ, եւ զմնացեալն փախստեայս առնէին յերկիրն Պարսից. եւ ինքեանք զգուշանային սահմանացն իւրեանց:

ԳԼՈՒԽ ԼԹ.

1 Յաղագս Բոյեկան մեծ նախարարին Պարսից, որ եկն եւ սա քառասուն բիւրաւ. զոր հարկաներ ջնջեր սպարապետն Յայոց Վասակ:

2 Յետ այսորիկ Բոյեկան մեծ նախարար Պարսից, եւ քառասուն բիւր ընդ նմա, զային հասանէին յԱտրպատական. կամէին ասպատակ առնել յերկիրն Յայոց: 3 Ապա զառաջեալք անգաներ Վասակ իւրով հայաստան գնդան, հարկաներ զգաւրսն ամենայն Պարսից, եւ զԲոյեկանն սպանաներ ի Թաւրեթն: 4 Եւ այրեր անդ զապարանս թագաւորին Պարսից. եւ գտեալ անդ զպատկեր թագաւորին Պարսից, նետաձիգ եղեալ՝ նետալից առնէր: 5 Բայց միայն փախչէր Մերուժանն ընդ նոսա եկեալ:

ԳԼՈՒԽ Խ.

1 Յաղագս Վաչականայ, որ եկն ի Յայս ութեւտասն բիւրուն, եւ կամեր առնուլ զՅայս. ապա եւ զնա վանեաց սպարապետն Յայոց եւ զգաւրս նորա:

2 Վաչական ոմն ի նախարարացն Պարսից արշաւեր յերկիրն Յայաստան, հանդերձ ութեւտասն բիւրաւք: 3 Ապա ժողովեր զաւրավարն Յայոց Վասակ զամենայն զգաւրսն Յայոց. եւ թողոյր զթագաւորն Արշակ յամուր բերդին Դարիւնաց, եւ ինքն զաւրավարն Յայոց Վասակ խաղայր անկաներ հանդերձ զաւրաւքն Յայոց զքանական Վաչականայ: 4 Սպանաներ զՎաչականն, եւ կոտորեր զքանական Պարսից. բայց միայն ապրեր սակաւութ փախուցեալ Մերուժանն, եկեալ՝ առաջնորդ նոցա:

ԳԼՈՒԽ ԽԱ.

1 Յաղագս Մշկանայ եւ երեսուն եւ հինգ բիւրուն, որ արշաւեր յերկիրն Յայոց, եթէ զհա՛րդ կոտորեալ եղել ի Վասակայ եւ ի զաւրաց Յայոց:

2 Եւ Մշկան ոմն անուն, մի ի նախարարացն Պարսից, եւ նա եկեալ ուղիւր ճակատս ընդ թագաւորին Արշակայ: 3 Ապա զաւրավարն Յայոց Վասակ ճակատեր զգաւրսն Յայոց ընդդէմ նոցա. եւ դէմ յանդիման մեծաւ բնութեամբ<sup>2</sup> միմեանց յարձակէին: 4 Եւ յաղթահարեր զգաւրսն Պարսից գունդն

1 Օրինակ մի չունի՝ եկեալ

2 Օրինակ մի մեծաբանութեամբ: Թերեւս բռնութեամբ